



# Rag Dallethoryon

Gwenton

## Hwedhel

### #95 KESKOWS

- Maria: Dydh da dhis, Jori. Fatla genes ? A yll'ta dos dhe'n dre genev a-vorow ?  
 Jori: Na allav. Soweth, ny allav vy dos. Res yw dhymm gweres ow thas y'n lowarth.  
 Maria: A yll'ta dos dy' Yow ytho ?  
 Jori: Gallav, sur. My a yll dos dhe'n dre dy' Yow. My a vynn kavoes nebes taklow.  
 Maria: Pandr'a vynn'ta dhe brena ?  
 Jori: Kynsa, my a vynn prena eskisyow nowydh. Wosa henna, my a vynn prena lavrek .  
 A allav vy prena daffar pyskessa ena ?  
 Maria: Na yllydh. Res yw dhis mos dhe Sen Ostell rag kavoes henna.  
 Jori: Na fors. Ni a yll mos dhe Sen Ostell yn karr ow thas. Ev a vynn mos ena dy' Yow  
 ynwedh. Ni a yll mos gango.  
 Maria: Henn yw da. Ytho, bys yn dy' Yow ! Dha weles !

Holyewgh an Lergh gans Graham Sandercock, dyllys gans Kesva an Taves Kernewek. Kost £5.95

### Lavarow dhe-les

Da yw genev - *I like*

Kas yw genev - *I hate*

Yma syghes dhymm! - *I'm  
thirsty*

Drog yw genev - *I'm sorry*

### Kedhlow

Orvil an Morvil: Lies Liw

Dyllys gans: Kowethas an Yeth Kernewek  
 Kost £4.50

Gonis Eglos: an 19ves a vis Ebrel 2009 Eglos an Bluw Krowenn (Crowan) dhe 3 eur dahajydhweyth

Gonis Eglos: an 17ves a vis Me 2009 Eglos an Bluw Pennkoes (Pencloys) dhe 3 eur dahajydhweyth

### Kernow

Sen Pyran yw tas sans a Gernow.

Yma tas sens erell dhe Gernow: Sen Petrek ha Sen Mighal.


# Govynn orth nebonan .. Pyth yw da genes dhe eva?

mis Meurth mis Ebrel mis Me




Yma hi yn karr

Ple'ma Tamsyn lemmyn?



Yma hi, arag an karr.  
Nyns yw hi lowen lemmyn.  
Serrys yw hi.



Ny vynn an karr mos.

Yma Tamsyn ow mos dhe'n dre. Res yw dhedhi prena kig ha losow. Pur lowen yw hi, yma hi ow kana. Da yw gans Tamsyn mos dhe'n dre. Martesen hi a wra dos erbyn onan a'y howetha ena. Yma Tamsyn ow lywya hy harr a-hys an fordh.

Distowgh, Tamsin a glyw tros koynet. Krakk! Pyth eus hwarvedhys? Ny vynn an karr mos war-rag. Tamsin a dhiyskynn a'n karr. Yma hi ow hwithra an jynn. "Ass osta karr gokki!" yn-medh hi. "Ny welav an pyth yw kamm genes." Res yw dhedhi mos a-dryv dhe'n karr. Yma hi owth herdhy a'n karr war tu ha'n dre.

Nyns yw pell kyns dos den, ev a wra hedhi rybdhi. "A allav vy dha weres?" a wovynn an den. "Ny wonn" yn-medh Tamsyn, "Ny vynn an jynn mos." An den a vir orth an jynn. Wosa pols berr yn-medh ev "Ny yll an karr mos. Nyns eus petrol ynno, yma edhom dhis a brena petrol."

## Gerva

dhe'n dre	<i>to the town</i>	a dhiyskynn	<i>gets out of</i>
res yw dhedhi	<i>she must</i>	Ass osta karr gokki!	<i>What a stupid car you are!</i>
da yw gans Tamsyn	<i>Tamsyn likes</i>	owth herdhy	<i>pushing</i>
martesen	<i>perhaps</i>	war tu ha	<i>towards</i>
dos erbyn	<i>meet</i>	rybdhi	<i>by her</i>
onan a'y howetha	<i>one of her friends</i>	A allav vy dha weres?	<i>May I help you?</i>
hy harr	<i>her car</i>	ynno	<i>in it</i>
a-hys an fordh	<i>along the road</i>	yма edhom dhis a brena	<i>you need to buy a brena</i>
a glyw	<i>hears</i>		
Pyth eus hwarvedhys?	<i>What has happened?</i>		

Ow gorthyp yw ... Da yw genev eva gwin

Dyw genes Dyw genowgħi